

## **Plenchi**

### **Bèl a bati**

**Bèlèm bèlèm un siman mas tras di lomba. Un siman nobo para nos dilanti. Un siman ku lo ta yená ku bendishon pa bo tambe. Korda kita e paraplu pa bo por haña tur bendishon. No keda tapá of skondí pa e bendishon. Konta bo bendishonnan tur dia i yama Tata Selestial masha danki pa kada un di nan. Bida, salú, famia, oportunitatnan, te hasta dolornan. Paso esakinan tambe a ponebu krese. For di dolor siña algu pa bo krese. No keda amargá, ku rabia of desgustá. E sentimentunan aki ta malu pa bo mes salú i bo felisidat. Tira tras di lomba tur loke ku a pasa i kuminsá un dia nobo sin keda yora of rabiá pa loke a pasa. Kada dia ta un chèns nobo, kada dia ta un kuminsamentu. Awe nos tin diferente potret pa bo pa bo tin un idea di aktividatnan positivo den nos organisashon.**

**Lesu ku plaser i disfrutá di bo fin di siman. Pa e siman ku nos ta bai drenta, hopi bendishon pa bo. Korda habri man i kurason pa bo risibi bo bendishon.**

### **Den agènda**

**Dianan liber di skol**

- **24 di aprel te ku 8 di mei 2016**
- **Fakansi grandi 4 yuli te ku 11 ougustus**

**Konferensha pa personal skolnan katólíko 8 di ougustus 2016**

## Riba roster

HBO tour di Radulphus College. Un bista kon nan a orientá riba tur faseta di bida na hulanda.





## **Mi ta konta**

### **Celwyn ta haña straf atrobe**

Niun hende no sa kon bini. Pero fo’i chikitu, Celwyn ta purba saka su kurpa for di tur problema. No ku e ta malamucha. E ta un tipo kariñoso. Pero e no ta serio ainda sí. Yùfrou a kòrda tur mucha ku falta algun luna so promé ku rapòrt final. P’esei ta importante pa traha hùiswèrk i siña duru. Celwyn tambe a komprendé? Si, Celwyn tambe a komprendé.

E siguiente dia yùfrou a pasa rònt pa piki tur mucha su skref. Celwyn so no tabatin di dje. “Kiko atrobe, Celwyn, bo no a traha bo lès?” Celwyn a insistí ku el a traha tur sòm. “Kon bini mi no ta mira nan anto,” yùfrou a puntra. Celwyn a grawatá kabes: “Pasobra ... eh ... pasó nan a skonde den mi pèn.” Yùfrou a manda Celwyn bai sinta patras den klas ku kara pa muraya.

Despues di basta ratu Celwyn a hisa dede. Yùfrou a hasi manera e no ta mira. Celwyn a kuminsá yama: “yùfrou Martis ... yùfrou Martis ... yùfrou Maaartiis ...” Yufrou a pèrdè pasenshi: “Baha bo man. Mi no ke tende bo bisa yùfrou Martis mas, b’a tende mi bon?” Celwyn a pensa un ratu. Djei el a hisa dede atrobe: “Awèl ... Jenny ... Jennyyy ...” Sobrá dia Celwyn a pasa den ofisina di direktor.

## **Un preñchi**

**Tim di softbòl di RK ta lusiendo riba vèlt. Algun potrèt pa bo sinti e bon ambiente.**







### **Mucha djispou**

**Masha dia Rubia ta sospechá su yu Oswin ta huma sigaria, pero e no por gare. Pa e fula tera el a warda Oswin bin kas anto a bisé:**

**“Oswin, un para a fluit bisami ku bo ta huma sigaria bou di palu.”**

**Oswin a respondé: “Ami ta kere ta mama ta huma bou di palu, paso ta mama so por komprondé fluit di para.”**